



Prijavite se na "Stepovu školu" u Zbornici

Pridružite se zajednici nastavnika i nastavnica posvećenih unapređenju obrazovanja i profesionalnom razvoju. Prijavite se i postanite dio programa koji doprinosi jačanju kvalitetnog obrazovanja u Bosni i Hercegovini.



Pozivamo sve nastavnike i nastavnice, te studentice i studente iz **Sarajeva i Banja Luke**, te okoline, da se prijave za 10-mjesečni program **"Stepova Škola"** koji će se održavati u Zbornici u Sarajevu i Zbornici u Banjoj Luci. Program nudi priliku za profesionalni razvoj, osnaživanje nastavničkih vještina i metodološko usavršavanje, s naglaskom na kritičko mišljenje, kritičku pedagogiju i savremene obrazovne prakse.

Kroz ovaj program, učesnici i učesnice će imati priliku za razmjenu iskustava, učenje novih metoda podučavanja i usavršavanje svojih pedagoških vještina, što će im omogućiti primjenu inovativnih pristupa u nastavi. Program nudi prostor za saradnju među nastavnicima i nastavnicama različitih sredina i razmjenu ideja, što doprinosi profesionalnom rastu i unapređenju obrazovnih praksi u školama.

Pridružite se zajednici nastavnika i nastavnica posvećenih unapređenju obrazovanja i profesionalnom razvoju. Prijavite se i postanite dio programa koji doprinosi jačanju kvalitetnog obrazovanja u Bosni i Hercegovini.

Kome je program namijenjen?

Učiteljima i učiteljicama, nastavnicima i nastavnicama, stručnim saradnicima i saradnicama, direktorima i direktoricama osnovnih i srednjih škola iz Sarajeva i okoline, te Banja Luke i okoline.

Zbog intenziteta programa i redovnih susreta koji se održavaju na sedmičnoj bazi prijave su ograničene na ove lokacije. Posebno ohrabrujemo prijave iz manjih zajednica u blizini ovih gradova, uzimajući u obzir potrebe vezane za putovanje i vrijeme. Studentima i studenticama pedagoških, učiteljskih i nastavničkih fakulteta Univerziteta u Banjoj Luci i Univerziteta u Sarajevu i Univerziteta u Istočnom Sarajevu.

Gdje i kada se održavaju aktivnosti?

Aktivnosti programa realiziraju se na dvije lokacije:

Zbornica u Sarajevu na adresi **Kralja Tvarka 3** (za grupu iz Sarajeva i okoline)

Zbornica u Banjoj Luci na Filozofskom fakultetu Banja Luka, Univerziteta u Banjoj Luci, na adresi **Bulevar vojvode Petra Bojovića 1A** (za grupu iz Banja Luke i okoline)

Tokom trajanja programa, učesnici će imati priliku učestvovati i u dva zajednička terenska putovanja, a detaljne informacije o lokacijama i sadržaju ovih posjeta bit će dostupne u toku programa.

Program će trajati 10 mjeseci (*mart-decembar 2025. godine*) i organiziran je na bazi sedmičnih susreta koji podrazumjevaju predavanja, obuke, čitalačke klubove i mentorske sesije.

Program podrazumijeva prisustvo aktivnostima 2-3 puta sedmično u trajanju od 1 do 3 sata (poslijepodne ili uvečer), te u prosjeku jedanput mjesečno cjelodnevnu aktivnosti koja se realizira vikendom.

Učesnici i učesnice koji budu primljeni na program dobit će raspored aktivnosti sa vremenskim odrednicama.

Ko snosi troškove?

Centar za obrazovne inicijative Step by Step stipendira učešće na programu za sve učesnike i učesnice. Učesnici i učesnice snose troškove simbolične kotizacije koja predstavlja izraz ozbiljne posvećenosti programu u iznosu od:

100 KM za učitelje i učiteljice, nastavnike i nastavnice, stručne saradnike i saradnice za cjelokupni program

50 KM za studente i studentice za cjelokupni program

Organizator snosi i putne troškove za učesnike i učesnice koji putuju na udaljenost od 20 km do mjesta realizacije aktivnosti. Troškove organizacije, puta i smještaja za terenska putovanja u potpunosti snosi organizator.

Cjelodnevne aktivnosti uključuju obroke, koje snosi organizator, dok kratkotrajne aktivnosti do 3h ne podrazumjevaju obroke, već samo osvježenje.

Svi učesnici i učesnice koji budu primljeni na program, a koji nisu u mogućnosti da plate kotizaciju mogu kontaktirati Centar za obrazovne inicijative Step by Step, koji će se potruditi osigurati sponzorstvo za njihovo učešće.

Šta pruža prisustvo na Stepovoj školi?

Obuke i treninge

Program uključuje tri Step by Step obuke: Škola mišljenja, Škola vrijednosti i Pozitivna učionica. Bit ćete opremljeni alatima za razvoj kritičkog mišljenja i vrijednosti kod učenika i učenica. Obuke će biti realizirane u jednodnevnom formatu kroz module za svaku obuku.

Predavanja o obrazovnim praksama i teoriji

Tokom predavanja učesnici i učesnice će se upoznati s temeljnim teorijskim pristupima u obrazovanju, sa fokusom na teorije kritičke pedagogije. Predavanja traju između 90 minuta i 3 sata i učesnici i učesnice će se baviti istraživanjem savremenih društvenih izazova i mehanizama koji oblikuju odnose među ljudima i zajednicama. Kroz teorijske pristupe i praktične primjere, razmatraće se mogućnosti za izgradnju zdravijeg i podsticajnijeg okruženja za učenice i učenike, kao i nastavnike i nastavnice. Posebna pažnja biće posvećena ulozi obrazovanja u razvijanju kritičkog mišljenja, kako podsticati saradnju, razumijevanje i odgovornost te razumijevanju uloge vrijednosti u životu škole, zajednice i individue.

Čitalački klub

Kroz 10 sastanaka Čitalačkog kluba, učesnici i učesnice će diskutirati o ključnim tekstovima vezanim za obrazovne procese. Diskusije traju 2 sata i uključuju teme kao što su transformacija obrazovnih praksi i razvoj novih pristupa u učenju. Čitalački klub je i prilika za razmjenu ideja i iskustva u vezi s implementacijom novih metoda u školama.

Terenske posjete

Program uključuje dvije terenske posjete institucijama od značaja za obrazovanje. Prva posjeta bit će organizirana u školama i partnerskim organizacijama koje se bave obrazovnim inovacijama, dok će druga posjeta biti posvećena časovima u školama. Terenske posjete omogućuju učesnicima i učesnicama da steknu praktična iskustva i razmjenu ideja.

Mentorski rad i zadaci

Svaki učesnik i učesnica će imati priliku raditi na 10 zadataka tokom trajanja programa. Ovi zadaci uključuju razvoj novih priprema za nastavu, implementaciju priprema, promatranje nastave i

organiziranje aktivnosti sa učenicima i učenicama ili roditeljima. Učesnici i učesnice će redovno dobivati povratne informacije kroz redovne mentorske susrete.

☒☒ **Organizacija samostalnih aktivnosti** ☒☒

Svaki učesnik i svaka učesnica će imati priliku organizirati jednu samostalnu aktivnost u toku trajanja projekta. Aktivnosti će se provoditi u Zbornicama, a cilj je promovirati nove pristupe učenju i osnaživanje zajednice kroz obrazovne prakse.

☒☒ **Profesionalni razvoj i saradnju** ☒☒

Kroz cijeli program, učesnici i učesnice će imati priliku za profesionalni razvoj i umrežavanje s kolegama i kolegicama. Program će omogućiti nastavnicima i nastavnicama da kroz zajednički rad razvijaju nove vještine i pristupe, kao i da razmjenjuju iskustva.

Šta se očekuje od učesnika?

- redovno prisustvo na aktivnostima
- implementacija zadataka i saradnja sa drugim učesnicima i učenicama
- prisustvo mentorskim sesijama

Collections

Profesionalni razvoj